



# Ku navela ka Rifumo ku humelela




**Molteno**



Siku rin'wana na rin'wana, Rifumo u famba a ya exikolweni na ku vuya ekaya.



I ndlela yo leha yo ya exikolweni. Rifumo u navela onge a nga va na xikanyakanya xo famba hi xona.





Mixo wun'wana na wun'wana, endleleni ya yena yo ya exikolweni, Rifumo u famba ku kondza a ya fika ephakini. Kutani a jomba switsanana.

“Ndzi navela onge ndzi nga tlanga lani siku hinkwaro,” a ehleketa.

Rifumo u famba ku kondza a ya fika ebekareni. Wa yima a languta hi fasitere.

“Ndzi navela onge ndzi nga dya swikhekhana leswi hinkwaswo,” a ehleketa.





Rifumo u famba ku kondza a ya fika exitolo xa tintangu. Wa yima a languta hi fasitere.

“Ndzi navela onge tintangu letiya ta xivunguvungu ti nga va ta mina,” a ehleketa.



Rifumo u famba ku kondza a ya fika exitolo xa vunanga. Wa yima a languta hi fasitere.

“Ndzi navela onge ndzi nga dyondza ku tlanga swigubu,” a ehleketa.





Ekunhaleleni, Rifumo u yima exitolo xa switlangiso. Efasitereni ku na xikanyakanya xa xitshopana xo saseka.

“Yoo, ndzi rhandza xikanyakanya lexiya! Ku navela ka mina loku kulu i ku va na xona, leswaku ndzi ta famba hi xona exikolweni,” ku hefemula Rifumo.





Hi siku leri leri landzelaka, loko a ri karhi a ya ekaya, Rifumo u languta fasitere ra xitolo xa switlangiso.

Xikanyakanya xa xitshopana xo saseka a xa ha ri kona! Xi xaviwile!

“Ndza ti vutisa leswaku xana i mani munhu wa kona wa nkateko,” ku ehleketa Rifumo a tsanile.





Rifumo u hundza xitolo xa vunanga, tintangu na bekara hi ku nonoka.

U ti twa a tsanile, a nga yimi na ku yima a tlanga ephakini.



Loko Rifumo a fika ekaya, u karhele swinene.

Mana wa yena u n'wi rindzerile.

“Vona, Rifumo! Vona leswi ndzi nga ku xavela swona!” ku vula manana, a ri karhi a n'wayitela.

I xikanyakanya xa xitshopana xo saseka!





Ku navela ka Rifumo ku humelerile!

Sweswi Rifumo u famba hi xikanyakanya xa yena a ya exikolweni.

A nga yimi!